

Lalín Km Cero

Emprego



Concello de Lalín

CONVENIO DE COLABORACIÓN ENTRE O CONCELLO DE LALÍN E O CENTRO COMERCIAL ABERTO – ASOCIACIÓN DE EMPRESARIOS DE DEZA

Lalín, 26 de outubro de 2018

REUNIDOS

Dunha parte, o Concello de Lalín, actuando no seu nome e representación o Sr. Alcalde .

E doutra don Antonio Lamas Carral, que actúa en nome e representación de Centro Comercial Aberto - Asociación de Empresarios de Deza, con CIF G36187169, con suxeición ao disposto.


Interveñen en función dos seus respectivos cargos, e no exercicio das facultades que para convir en nome das entidades que representan teñen conferidas.

MANIFESTAN

1- Que o Concello de Lalín, segundo se sinala no artigo 25.2.i) da Lei 7/1985, de 2 de abril, Reguladora das Bases do Réxime Local, modificada pola Lei 27/2013, de 27 de decembro, de racionalización e sostenibilidade da administración local, exercerá en todo caso como competencias propias en materia de feiras, abastos, mercados, lonxas e comercio ambulante.

2.- Que a Asociación de Empresarios do Deza, coa finalidade de recoller as inquietudes do comercio e contribuír á dinamización do sector, puxo en marcha dende o ano 2011 o Centro Comercial Aberto que conta , na actualidade, cun número total de 117 socios, e presta servizos de información especializada, asesoramento xurídico e formación.

3.- Que resulta de interese xeral e ten unha clara finalidade pública para o Concello de Lalín , colaborar na promoción dun sector estratéxico para a economía lalinense como é o SECTOR COMERCIO , dadas as especiais particularidades do mesmo:



Lalínmunicipio

Emprego



Concello de Lalín

- a) A importancia do sector e as sinerxias con outros sectores estratéxicos , como a hostalería , o turismo e os servizos en xeral .
- b) A boa calidade dos produtos e artigos que son ofrecidos ao consumidor final .
- c) O efecto dinamizador que exerce sobre o pobo, principalmente o comercio situado na zona urbana propiamente dita.
- d) O atractivo que supón para os visitantes da nosa área de influencia (comarca do Deza e limítrofes).

4- Que no contexto actual de graves dificultades, tras varios anos de crise económica con caída do consumo, competencia das grandes áreas comerciais, importante perda de postos de traballo, dificultades para o relevo xeracional no comercio tradicional, etc, é máis necesario ca nunca apostar e afondar na colaboración de todos os axentes sociais, públicos e privados, implicados na promoción e dinamización da actividade comercial, sentando as bases para unha maior competitividade das empresas do sector que revalorice os espazos urbanos como eixes económicos e sociais e como lugares de relación , convivencia e desenvolvemento económico.

5.-En virtude do exposto e no exercicio das competencias que lles son propias , as partes que interveñen están interesadas en establecer o presente convenio que se rexerá polas cláusulas deste convenio.

6.- Que a finalidade pública está determinada para colaborar cun sector estratéxico para a economía lalinense, xa que ao ser cabeceira de comarca, recibe visitantes doutros concellos limítrofes que veñen ata este concello para realizar as súas compras. Este sector atópase oprimido tras varios anos de crise económica, onde as vendas baixaron excepcionalmente. O feito de que este sector non pase polos seus mellores momentos afecta, con carácter xeral, a todos os lalinenses xa que, repercute no ámbito laboral mediante a perda de postos de traballo. O peche de tendas redunda nun prexuízo para todos xa que fai menos atractiva a visita a Lalín coa perda que supón para o resto dos comercios, e tamén para a hostalería, coa conseguinte perda de ingresos no Concello.

Todo o exposto anteriormente serve para xustificar a intervención do Concello de Lalín neste sector.

7. Atendendo ao interese do obxecto do presente convenio, no Orzamento do Concello de Lalín para o exercicio 2017, prorrogado para o ano 2018, dotouse a partida de 35.000 € cunha subvención nominativa Asociación empresarios do Deza (AED). Centro Comercial Aberto de Lalín.

8. Que o Concello de Lalín pode determinar as bases e criterios da política de comercio das asociacións, promovendo a participación de todos os axentes sociais nas actuacións que se van realizar con dito colectivo.

En virtude do exposto, e no exercicio das competencias que lles son propias, as partes que interveñen están interesadas en establecer o presente convenio que se rexerá polas seguintes


CLÁUSULAS

PRIMEIRA. Obxecto.

O presente Convenio ten por obxecto o desenvolvemento no Concello de Lalín dun programa de promoción a un sector estratéxico como é o sector do Comercio, con accións que potencien a súa dinamización Defendendo así o consumo local para que repercuta directamente no municipio, na súa calidade de vida e na dos veciños do mesmo.

SEGUNDA. Normativa.

- Lei 7/1996, de 15 de xaneiro, de Ordenación do Comercio Minorista..
- Lei 38/ 2003, de 17 de novembro, Xeral de Subvencións.
- Lei 9/ 2007, do 13 de xuño, de Subvencións de Galicia.
- Bases 27 e 28 de Execución do Orzamento do Concello de Lalín para o ano 2017, prorrogado para o ano 2018.



Lalín Comercio

Emprego



Concello de Lalín

TERCEIRA. Contido do programa e actuacións a desenvolver.

Este convenio servirá para desenvolver un programa de actuacións en colaboración co Concello de Lalín, que consistirán en:

- Campañas de dinamización comercial:
 - II Feira de Oportunidades de Lalín
 - Concurso de tapas Deztápate
 - Campaña especial de Volta ao Cole
 - Black Friday
 - Campaña Especial de Nadal 2018
- Campaña de publicidade das actividades de dinamización comercial e de marca nos medios de comunicación e redes sociais.
- Formación específica dirixida a propietarios e empregados do sector comercio e hostalaría
 - Escaparatismo e deseño visual
 - Paquetería creativa
 - A dixitalización da canle de vendas: o comercio electrónico como alternativa estratéxica
 - Por que funcionan as redes sociais en hostalaría. Deseña nun plan de marketing dixital do teu negocio.
 - Curso de Barista.
 - Curso de corte de xamón.

En todo caso e preciso que o beneficiario da axuda deberá presentar a seguinte documentación no prazo de dez días naturais desde a sinatura do convenio:

- 1) Memoria explicativa e detallada onde figure o programa de actividades.
- 2) Declaración do conxunto das axudas solicitadas, tanto das aprobadas como pendentes de resolución, para as actividades obxecto deste Convenio.

O CENTRO COMERCIAL ABERTO – ASOCIACIÓN DE EMPRESARIOS DE DEZA obrígase a:



Emprego

- Facer constar en todo tipo de publicidade e información que se realice en desenvolvemento deste programa, a participación e colaboración co Concello de Lalín.
- Cumprimento dos programas para os que se concede a subvención.
- Facilitar toda a información que lle sexa requirida pola Intervención Xeral do Concello de Lalín e/ou pola Concellería de Comercio, Emprego, Educación e Réxime Interno, polo Tribunal de Contas e Consello de Contas, no exercicio das súas función de fiscalización e control do destino das axudas obxecto do presente convenio.

O Centro Comercial Aberto – Asociación De Empresarios De Deza comprométese a cumprir a Lei Orgánica 15/199, de 13 de decembro, de Protección de Datos de Carácter Persoal e o Real Decreto 1720/2007 de 21 de decembro polo que se aproba o Regulamento de desenvolvemento da Lei Orgánica.

CUARTA.- Natureza.

Este Convenio ten unha natureza puramente de colaboración e dinamización comercial, entendendo que a cantidade á que o Concello de Lalín se compromete con 35.000 €, é para cubrir gastos esenciais das actuacións a desenvolver no marco deste convenio, polo que non se pode referir a este Convenio ningunha natureza laboral, mercantil, civil ou de calquera outra clase xurídica. A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio co Concello de Lalín, de tal xeito que, por este concepto, non se lle poderá esixir ao Concello responsabilidade algunha, nin directa nin subsidiaria.

QUINTA. Orzamento.

Para a realización das actuacións sinaladas na cláusula anterior o Concello de Lalín achegará en concepto de subvención das actividades de promoción sinaladas no punto terceiro, incluíndo gastos realizados, para estas finalidades, durante o exercicio 2018 ata o 15 de decembro do ano 2018 (do 1 de xaneiro a 15 de decembro de 2018), a cantidade de 35.000 € do orzamento municipal con cargo a aplicación orzamentaria 0/4311/47901.

A contía da axuda distribúese nos seguintes conceptos subvencionables:

- **Campañas de dinamización comercial:** **23.500 €**
 - II Feira de Oportunidades de Lalín 9.000 €
 - Concurso de tapas Deztápate 2.000 €
 - Campaña especial de Volta ao Cole 3.000 €
 - Black Friday 1.500 €
 - Campaña Especial de Nadal 2018 9.000 €
- **Campaña de publicidade** das actividades de dinamización comercial e de marca nos medios de comunicación e redes sociais. **3.000 €**
- **Formación específica** dirixida a propietarios e empregados do sector comercio e hostalaría. **8.500 €**
 - Escaparatismo e deseño visual
 - Paquetería creativa
 - A dixitalización da canle de vendas: o comercio electrónico como alternativa estratéxica
 - Por que funcionan as redes sociais en hostalaría. Deseña nun plan de marketing dixital do teu negocio.
 - Curso de Barista.
 - Curso de corte de xamón.



Estes gastos poderán estar suxeitos a variacións, é dicir, permítese flexibilidade nos mesmos, sempre e cando se trate de gastos correntes destinados á realización das actividades subvencionadas.

SEXTA. Forma de pagamento.

O pagamento da cantidade a financiar polo Concello de Lalín, á que se refire a cláusula anterior librarase a medida que se realicen os programas e actuacións a desenvolver (actividades de difusión, publicidade, dinamización etc) e o centro comercial aberto presente a conta xustificativa das mesmas, que en todo caso debe ser presentada como moi tarde o día 15 de decembro de 2018, polo que as facturas e documentos xustificativos do gasto non poderán ter data posterior e deberán estar pagadas.

A conta xustificativa de cada unha das campañas subvencionadas deberá constar da seguinte documentación:


1. Unha memoria da totalidade da actividade realizada :

- Esa memoria conterá unha relación das actividades feitas e unha relación clasificada dos gastos por cada actividade feita, con identificación do acredor e do documento xustificativo, o seu importe, a data de emisión da factura, e a data de pagamento, de acordo co artigo 75 do RD 887/2006 do Regulamento da Lei 38/2003 xeral de subvencións (LXS).
- Orzamento detallado de ingresos e gastos das actividades subvencionadas.

2. Facturas orixinais (con todos os requisitos esixidos polo R.D 1619/ 2012 de 30 de novembro) ou documentos de valor probatorio equivalente no tráfico xurídico mercantil ou con eficacia administrativa polo importe total, como máximo, do gasto subvencionable , ao abeiro do establecido no artigo 30.3) da Lei 38/2003 de 17 de novembro (Lei xeral de subvencións e o seu Regulamento).

- Deberán ser orixinais, expedidos pola empresa subministradora dos bens ou servizos. Admitiranse copias compulsadas polo propio Concello, non obstante antes de realizar as fotocopias e compulsas das mesmas estamparase nos xustificantes orixinais un selo coa seguinte lenda: "En cumprimento da Lei 38/03 esta factura foi utilizada como xustificante do gasto para a obtención da subvención en concepto de colaboración de coa Asociación de empresarios de Deza no ano 2018".
- Asumirase o compromiso de aportar os orixinais no momento que lle sexan requiridos.
- A factura deberá vir especificada en moeda local e recoller a data de emisión da factura.
- Deberá constar na factura unha explicación do gasto. Se a criterio do Concello o xustificante non é o suficientemente claro neste aspecto, deberá vir acompañado de nota explicativa da que se deduxa unha clara relación do gasto coa actividade subvencionada.





Lalín Km Cero


Emprego



Concello de Lalín

- Reflectirá os datos identificativos do expedidor (nome, apelidos, denominación ou razón social, NIF e domicilio).
- Reflectirá os datos identificativos do destinatario que deberá ser a entidade subvencionada (nome, apelidos, denominación ou razón social, NIF e domicilio).
- Incluirá unha descrición detallada e prezo unitario da operación e a súa contraprestación total, importe pagado e moeda. Deberá reflectirse o IVA correspondente ou imposto equivalente para o seu caso, que estea en vigor no país de emisión da factura. Cando a cota se repercute dentro do prezo deberá indicarse "IVE incluído".
- Xustificantes de pago das facturas ou documentos de valor probatorio equivalente no tráfico xurídico mercantil utilizados para a xustificación. Só se admitirán os pagos realizados mediante transferencia bancaria, polo que as facturas deberán acompañarse do correspondente xustificante de dita transferencia. No caso de pagos por importe igual ou inferior a 200 euros admitirase o pago en metálico ou cheque sempre e cando se faga constar na factura o selo do proveedor, a dilixencia de factura pagada e o nome, DNI e sinatura da persoa que dilixencie o cobro da mesma e ademais, no caso do pagamento por cheque: extracto bancario e copia da matriz do talón. No caso de pagos en metálico, correspóndelle ao Concello comprobar a xustificación dese medio de pago que farase constar en informe xustificativo no que se acredite que o pago mediante transferencia ou cheque suporía unha carga desproporcionada para o beneficiario tendo en conta a finalidade da subvención e a natureza do gasto. Atenderase para facer ese informe de forma prioritaria á contía do pago. De non xustificarse ese pago en metálico, se entenderá non xustificado esa contía do gasto.
- No caso de que se teñan realizado pagos que conleven retención de IRPF deberán presentar o correspondente modelo xustificativo, de ter realizado o ingreso de dita retención na Axencia Tributaria.





Lalínkmcerro



Concello de Lalín

Emprego

3. Declaración xurada sobre a obtención de axudas para a mesma finalidade procedentes de calquera outra administración pública ou de particulares ou de entidades privadas tanto aprobadas como pendentes de resolución.

4. Designación da conta bancaria na que se efectuarán os ingresos, segundo as normas establecidas pola Tesourería Municipal.

5. No caso de que a subvención se destine a financiar unha subministración ou servizo de máis de 15.000,00 € sen IVE teranse que achegar tres orzamentos, agás as excepcións do artigo 31.3 da LXS (non será preciso solicitar tres orzamentos si para o gasto, polas súas especiais características, non exista no mercado suficiente número de entidades que os realicen, presten ou subministren, ou salvo que o gasto se realizara con anterioridade á subvención.

6. Certificación de que o beneficiario se atopa ao corrente no cumprimento das súas obrigas tributarias e fronte á Seguridade Social, no caso de que non puidera obter eses certificados o Concello e o prazo de validez dos xa presentados xa rematara, conforme co estipulado no apartado e) do artigo 14 da lei 38/2003 de 17 de novembro.


7. Declaración xurada expedida polo Presidente relativo ao desenvolvemento das actividades polo que se acredite que a subvención foi destinada á finalidade para a que foi concedida.

8. O gasto xustificado documentalmente deberá acadar, como mínimo, o importe a que ascende o orzamento de gastos recollido na cláusula quinta. De non xustificarse o total do orzamento de execución do Convenio, o Concello de Lalín minorará a súa achega proporcionalmente.

SÉTIMA.- Causas de reintegro da subvención.

Son causas de reintegro da subvención, xunto cos intereses de demora correspondentes dende o momento do seu pago, as establecidas no Título II da Lei 38 / 2003, do 17 de novembro, Xeral de Subvencións.





Lalín km cero

Emprego



Concello de Lalín

A Asociación de empresarios de Deza (CIF G36187169) quedará sometida ás responsabilidades e réxime sancionador establecidos na Lei Xeral de Subvencións e na Lei Xeral Orzamentaria.

Para os supostos non previstos neste convenio serán de aplicación as normas incluídas nas Bases de Execución do Orzamento do Concello de Lalín para o exercicio 2017, prorrogadas no o ano 2018 , na Lei 38/2003, do 17 de novembro, Xeral de Subvencións e no seu regulamento e na **Lei 9/2007, de 13 de xuño, de subvencións de Galicia.**

OITAVA.- Cuestións litixiosas.

As cuestións litixiosas xurdidas da aplicación do presente Convenio, e non resoltas en vía administrativa, serán resoltas pola Xurisdición Contencioso administrativa.

NOVENA.- Resolución do convenio.

O presente convenio resolverase polo incumprimento total ou parcial dalgunha das cláusulas que o regulan.

O período de vixencia do presente convenio será dende o día da súa sinatura ata o 31 de decembro de 2018.

Lido polas partes e coma proba de conformidade co expresado no presente convenio, asínano e rubricano por triplicado exemplar, no mesmo lugar e data que se indica ao comezo.

POLO CONCELLO DE LALÍN



O Alcalde,

Asdo.: Don Rafael Cuíña Aparicio

POLA ASOC. Centro comercial aberto-
Asociación de empresarios de Deza

O Presidente,

Asdo.: Don Antonio Lamas Carral

